



宮保大司農高文良公著

味和堂詩集

受業
孫嘉淦
沈德潛
編



愛集
新集
金集
集

和味
世
集

日
集
高
文
公
集

盛世元音

熙朝天籟

癸丑仲春

楊能松拜讀

序

乾隆戊午大司農文良高公以疾卒越二年其子恪等校其詩而付之梓爰請序于余余不執筆為文者且十五年矣然公生平於詩文所心許者不過數人



今皆已凋謝獨予一人存且誼
屬姻親搃角訂交鄉薦齊年同
居詞苑對掌文翰者二十餘載
招尋無間命題分韻騁妙爭先
賞竒摘瑕彼此靡隱後雖外任
各方而千里馳郵不廢酬唱蓋

知公者莫如予而知公之詩者
亦莫如予請之之意實在乎斯
故不能以不文辭也公幼即能
詩長而益進暮年以來屏織穠
而歸樸厚聲洪實大既醇且肆
矣初時頗不存稿後乃存之然

以予所知者考之如和梁藹亭
古詩一章揆凱功贈僧拄杖七
言近體一首及和予西山銀山
等詩皆一時膾炙人口者今是
集中悉不載豈非遺亡者尚多
乎嗚呼今之言詩者其蔽有四

一則唯填典故擗捨撫拾豈唯
食古不化抑亦自障其神明此
莫辨方隅詩之未發趣者也一
則唯耽佳句章法體裁渾焉莫
辨矜警俊于片言逞尖新於隻
字是任周可勝蘇李初盛不及

中晚也此僅拾香草詩之童蒙
者也一則唯重法律句、相承
字、相照截劃板腐乏自然之
風流姿韻悉除風雅安在此未
夢三昧詩之謬種也一則唯貴
諷托謂少陵有詩史之目香山

稱教化之主凡有篇章皆紀時
事夫嚴正如靖節廣平亦有閒
情梅花之賦澄江如練泥落空
梁摹寫景物之中正寓陶冶性
靈之妙若必斥此是不識弛張
詩之執中道之旁門附正法之

外道也夫富博典贍妙句清詞
律細法嚴宣上達下何一非詩
之所貴而不免為蔽者正如宗
門所言得則為清涼池四面皆
可人不得則為大火聚四面俱
不可觸也公詩有四者之美而

無其蔽如山澤欲雨煙雲自生
天籟一發小大各和故讀之者
自初學以及老成即泥執之儒
矜僻之士亦無不搖首傾心推
為才子也昔公與余論詩嘗戲
自評曰僕詩頗似元相嗚呼明

哉余之知公究莫若公之自知也然則公之詩公久已自序定之矣余又何多喋々乎

乾隆五年三月十有一日無動

居士蔡珽序



序

詩與樂相通者也樂之感人也以元聲詩之入人也以元聲金石陳律呂備而元聲必本於太和
非可度數求也詞藻麗格律精而元氣必本於至性非可寸

力韻也記曰溫柔敦厚詩教也
夫溫柔敦厚者所謂仁也人之
仁即天之元故仁全則性至性
至則情真本性情之仁而發之
為詩無論意之悲苦愉悅言之
平竒淡濃而皆有太和之氣溢

於行閒讀之者如聽大樂之元
聲不自知其性之靜而情之移
也故詩之至者必出於天機其
次則以養勝十五國之風謠與
夫先秦兩漢之樂府多農夫紅
女不經意之詞而後之工於詩

者不能至焉以其出於天機之
動也其工於詩而能至者必以
學問養其性情太和之氣蘊釀
於中其天全而後詩發於不容
已其元氣之入人亦不知其狀
而狀陶彭澤其庶乎三唐詩人

張曲江王右丞孟浩狀韋蘇州
皆能以夷猶冲澹之趣發其和
平中正之音則所謂以養勝也
凡事皆可強惟天不能偽雖以
李杜韓蘇之浩瀚雄偉而於三
百篇之正聲或有未合焉則其

他可知矣吾人師高文良公仁
人也其忠愛於國孝友於家者
皆本其天性之醇篤而又加以
學問之養太和之氣蘊於胸中
者深矣故其生平不多作詩而
偶一為之必出於情之所不容

已而其靜穆之氣和粹之聲亦
動於天之所不自知今觀其白
蘋紅杏之集則王右丞之秋水
芙蓉倚風自笑也嬾後息餘之
作則陶彭澤之絳雲在霄舒卷
自如也塞上悲秋則孟浩然之

味和堂詩序
四
洞庭始波木葉微脫也灤陽消
夏則韋蘇州之園客獨繭暗合
音徽也知非二集老成息國風
度端凝與張曲江酷似焉其各
集中五古長篇則兼李杜韓蘇
之所長而仍不失其和平溫潤

之度蓋其動於天與浚於養者
兩得其勝故其溫柔敦厚長於
諷諭獨得風人之正傳此所謂
鈞天韶舞發於太和之元聲而
非夏武以下所能及也後之人
讀其詩想見其為人亦可以知

所自養矣

乾隆丁卯孟夏月合河受業門
人孫嘉淦謹序



內姪壻錢塘黃崇善頓首拜書

序

天壤間詩家不一諧協聲律穩
稱體勢綴飾華辭皆詩也然求
工於詩而無閑重輕則其詩可
以不作惟夫篤於性情高乎學
識而後寫其中之所欲言於以

厚人倫明得失昭法戒若一言
出而實可措諸家國天下之間
則其言不虛立而其人不得第
以詩人目之吾師高文良公以
送龍世胄胚胎前光少歲即以
傳人自命既成進士入詞館乞

假讀書鍵戶不出者數年凡天
人之介理亂之幾人品之邪正
政治之純駁與夫地利之夷險
廣愜一了了然於胸中而因以其
餘事發而為詩故其詩卓然見
重於天下今取其集披覽之

天王明聖之思時，見於言中
言外矣。至於遇行役則思陟屺
望母之思，處羈旅則動葛生藟
蔓之想，公之敦篤於人倫然也。
過古北口則咎前代守邊之無
術，過碧雲寺覽薊州新城則罪

司禮監之誤國，蓋深有戒於前
明之亡由於邊備之懈弛，與宦
豎之連結而我

朝之重武備，輕寺人實可為萬
世法者。而望雪山一篇，閩蜀人
之脆弱，料苗民之姦頑於刀州

刺史之生事深致意焉誠以守
在四夷順之則輯擾之則禁事
勢之得失有燭照數計於幾先
者餘生平之詩皆有為而作即
至小之詠吟如感春而思遇秋
而悲之皆和平中正而不凌為

風雲月露纖佻側冶之辭此豈
求工於語言文字間者所可相
提而並論也耶公撫吳凡三載
潛為諸生辱公文字知又嘗奉
詔薦揚於朝歲戊午與公并子
書勲同舉於鄉通內之中有年

誼焉則夫公沒而序公遺詩烏
敢以媿鄙不文辭也因舉公詩
之言不虛立者著之簡末俾得
挂名於其中以志平日仰鑽之
有素至公之屢任制軍政尚
靜祛螫櫛蠹外不矜赫々名而

吏民相安無事久而彌思此公
生平根本節目之大者
國史備載之茲不及書

乾隆十有四年己巳夏日長洲
門人沈德潛謹序



味和堂詩集總目

卷一

白蘋紅杏集一百二首

卷二

懶後憂餘集一百一首

卷三

灤陽消夏集六十二首

卷四

塞上悲秋集五十九首

卷五



知非集一百二十四首

卷六

知非集一百一十四首

味和堂詩集卷一

白蘋紅杏集詩目

遊萬柳堂留贈天倪上人

遊圓通寺贈某上人

薊州新城

定興曉發

過拒馬河感宋太宗北伐有作二首

保定道中

雨夜

慶都縣

過固關

山行

牧羊詞

憶熊敏思蔡若璞却寄

薄暮

不寐

登樓

客意

蒲州即事

夢覺偶成

潼關

華陰道中

七夕同李天然作

雨夜

馬嵬

岐山雨夜

過益門鎮

清橋驛曉發

曉行憶故園兄弟

畫眉關

褒城

諸葛武鄉侯墓

黃沙驛

曉行辭

入南棧

連雨水發行泥淖中比抵朝天關夜漏已二

下矣

自朝天乘舟江行日中可抵昭化愛其山水
行百餘里即遣停泊月上後放舟至縣

劍門

劍州

渡綿江

望雪山

絳霄四首

同人元祐觀看花小飲

夏日雜感八首

病足月餘不出同人願書宣汪安公繆湘芷

疊又字韻為秋懷食蟹詩唱酬甚夥依韻

書懷兼呈諸君二首

哭胡芝山同年四首

題汪東山秋帆圖小照

微雪

小農詩為張至尹館丈賦

楊柳枝詞六首

獨坐感懷

次韵荅宮友鹿見東

擬古三首

咏香與顧書宣陳南麓汪安公同賦

紅葉

晚雪

冬日雜咏八首

石門吳匪菴總憲 予告錦旋令嗣漢三館

丈隨侍還里同人徵詩送餞作此應命首二

重陽後一日諸同人登陶然亭以迴潭石下

深綠篠岸旁密為韵各賦十首予以他出

不獲與遊依韵奉和即呈諸君

燕

正月十五日偕熊敏思陳南麓周漁璜三同

年慈仁寺花市看花三首

秋蝶二首

味和堂詩集卷一

男恪書勳校編

鐵嶺高其倬章之

白蘋紅杏集

余幼解聲病喜作小詩師以非舉子業令屏
 去甲戌入館後新進者既有日課至羣遊索
 居感時賦物亦輒復有詩自謂不工未嘗存
 錄庚辰春有萬柳堂詩同年生顧書宣周漁
 璜汪安公賞之索余他詩無以應諸君勸存
 所作自是稍留藁願性踈脫或存或棄不甚
 留意丙戌冬病兩月髮一莖白念學殖就荒

忽忽將老又書宣安公皆下世追思生平之
言檢未散失者得詩一百二首寫作一冊本
不足存存之聊記歲月故不敢求序於人非
若元微之欲俟後人論定之也曰白蘋紅杏
者原存詩之始且故人凋落質益無從志山
陽之感耳

遊萬柳堂留贈天倪上人

佳境天教與老倪無邊光景到招提白蘋風細魚
苗長紅杏花深燕子低勝日正當春社後好山都
在曲闌西他時講席容聽法萬柳堂南即虎溪

遊圓通寺贈某上人

石梁西路水粼粼香界分明有別春九子簷鈴閒
自語半鈎簾日靜無人花間塵尾能消劫雨後山
光不受塵記得匡廬游舊在便從慧遠問前身

薊州新城

于役季冬月東入漁陽城城圯五十載奉詔新
經營墉堞一云具築作功遂停胡不事宏麗役物
勞皇情此州實險要世界方昇平長馭控八極
內地固所輕昔當明之季置鎮藩神京高起兩重
郭遍徵九州丁城中貯芻粟城上羅旗旌薊門大

帥任鄭重屬老成高議百僚會推轂千人英且復
命丙魏不啻求韓彭陞辭涕沆瀾密詔言丁寧志
鳴伊吾劍意洗魚海兵長計一蹉失塞馬仍縱橫
連營一日潰列障同時崩塵來白日匿燒猛蒼天
頽九門戒樓櫓六府嚴關扃平安一星火重比千
金瓊傳呼達禁闥夜寢始不驚外召勤王師內辦
遷都行下詔責專閫幕府空搶攘擁兵不敢救閉
壁如聾盲偵敵已出境追騎甫及垆殺人取其元
受賞都堂廳累累鞍上級一一田間氓更奏塞外
勲肯取城下盟懦帥肆欺謾劾敵生門庭既以殺

其軀患亦貽朝廷嗚呼厲有階夫誰滋亂萌或云
右文士誤國由書生或云吝邊餉饑卒難力爭南
史與董狐百喙同一聲敢獨曰不然奄寺實彗熒
監軍專將柄司禮為阿衡衆賄水輸海百度禾生
螟榜笞殺壯士羅織戕名卿剗鯁靡孑遺媿姍忘
忠誠肯效鷲鳥擊轉畏走狗烹潢池弄兵子竟射
承天闕緬維開創初明祖垂家型內官止四品酒
掃供使令外事付卿貳著戒在宸屏孰昇鐵牌毀
坐見九鼎傾惜哉興戎首未正司寇刑我皇法
殷鑒典制原六經寺人無官階置員有定程衣冠

帶履外越者誅竄并皇皇一王法萬世其勿更頽
獻五百字勒作城隅銘

定興曉發

廐吏整遊鞭雞聲斷又連星低高堠外山出綻雲
邊路迴西通蜀親孤北夢燕無言對徒侶風旆與
心懸

過拒馬河感宋太宗北伐有作二首

談笑橫戈舉晉汾便思乘勝捲燕雲高粱一戰雄
心死却倩鴻溝阻北軍

橋邊綠長毯毯柳堤外黃吹漠漠塵遼宋衰興兩

如夢河陰閒煞釣魚人

保定道中

宿雨纔過暑氣收依稀風景記曾遊馬前芳艸牽
離恨柳外殘陽上戍樓往事十年空脈脈流光一
覘去悠悠不須更聽涼州遍此日檀奴已白頭

雨夜

闌風吹伏雨騷屑夜窓聲客路三巴遠愁中百草
生鄉書鴻窳寞舊事夢分明喔喔晨雞動衝泥怯
曉行

慶都縣

邑門沙擁不全開半啟還因驛騎來籍上不增新
戶口城中通圮舊樓臺日暄敗壁蜂爭壘人靜空
街鳥啄槐誰與行臺陳至計却驅狐鼠闢汙萊

過固關

潑眼嵐光夏綠濃馬前簇簇萬芙蓉河山斗折橫
千里并冀平分限半墉帘出柳梢遙識路寺藏雲
腹只聞鐘闕頭戍鼓渾無用閒付兒童聒睡龍山時

中微早見村童共持
軍鼓臨潭羣擊祈雨

山行

望裏遙山宿霧開雨餘石路靜無埃綠陰深處聞

驢鐸知有行人過嶺來

牧羊詞

朝牧羊牧羊亂山裏夕牧羊牧羊幽澗底澗深山
高徒侶稀採柶拾橡長苦飢夜夜露卧枕老羝布
襟作被還作衣可憐性命寄豺虎牧得羊肥歸牧
主經年負直不肯償乞索頻遭主人拒故家舊有
南山田蕪沒不治今三年長鑷短笠寄隣壁逡巡
欲去不敢前田收已畢公家賦賦外未輸行省怒
牧羊猶可更主家縣吏捉人無避處

憶熊敏思蔡若璪却寄

一片斜蟾照屋梁生平詩伴鎮難忘浣花遺鉢分
明在不覓晁陳乞瓣香

薄暮

既逐青山行復指青山住山深聞無人野水上道
路西風吹秋來遠入斜陽樹悠悠遊子情離懷黯
薄暮

不寐

不知心耿耿祇怪夜湯湯殘月行天盡秋衾徹曉
寒人情閒始覺世路涉方難未就歸耕計栖栖愧
一官

登樓

亦知非故土信杖復登樓落日亭臯晚西風禾黍
秋倦程行不極獨客自多愁稍喜停雲外青山似
帝州

客意

客意全同倦馬慵鄉心更較濁醅濃年年雲岫虛
前約定定天涯有去蹤雨氣且從滋細艸鶴情只
解憶長松連朝旅榻延新爽頻夢灤東水外峰

蒲州即事

陶唐遺俗冀都邑襟帶河汾接華峽課甯人頻書

上考避徭民半入中條教孫終類操飢虎賣犢今
將買佩刀有齒焚身空復爾九天日月正青霄

夢覺偶成

織女斜河夜氣清殘缸耿耿澹微明天涯夢醒無
人見月照虛廊絡緯鳴

潼關

連雲樓堞麗朝暎鬱鬱岡原勝緊存險壓諸侯開
一面河收八水注三門近西州木知秋蚤到眼山
巒識岳尊形勢有餘官政猛就中至計與誰論

華陰道中

入關又喜及新晴馬驀平沙自在行仙掌擘雲開
嶽色蓮峯瀉雨作秦聲斜陽原上人驅犢垂柳陰
中水抱城逆旅不須招過客吟鞭留待月初生

七夕同李天然作

佳節郵亭倒一卮催寒細雨滿階墀人間爭得無
惆悵天上仍難免別離萬里同為去鄉客兩人俱
是悼亡時明朝繡嶺清溪畔應見新霜上鬢絲

雨夜

黯黯郵亭枕手眠秦城客夜已涼天井桐墮砌聲
聲續簷雨侵堦滴滴連短檠近牀還似昔舊題在

駢已成前即看現跡皆陳跡往事何曾在蠹編時

一編以
消永夜

馬嵬

曉鷄喚客不遣住征鐸琅琅月挂樹脂車却向咸
陽西又過唐家妃子墓天寶富貴壓八荒一朝牧
豎升明堂蜀道如天舊都棄六軍不發君徬徨三
尺紅綃玉環天黃土埋花天不曉幽魂泣露松桂
寒年年墓雨生秋草塚前種豆後牧牛石羊夜走
東村收西風吹愁愁不歇行旅日夕空迴頭人生
如風過馬耳莫遣遺名浣青史三郎負約壽王離

惆悵傾城為誰死

岐山雨夜

長宵何耿耿遠夢亦悠悠孤坐對殘燭鄉心搖素
秋風喧池上竹笛怨雨中樓無限蕭森意都成蜀
客愁

過益門鎮

家家茅屋翠微中汧水西南駱谷東窓底秦原平
看掌雲邊蜀棧遠疑虹峰如逞勢無窮峭花不知
名可意紅却惜山村如畫處一鞭斜日去匆匆

清橋驛曉發

高原鐘後見晨曦水外殘雞尚喔呶槐影半村烟
綻處禾香一片露晞時纔穿雲過捫衣潤欲覓詩
行任馬遲入棧漸深山漸好却忘踪跡在天涯

曉行憶故園兄弟

五更山路僻頗覺旅人稀斜月照遠樹涼風吹客
衣故園無夢到極浦有鴻飛遙憶諸兄弟鄉關正
拚扉

畫眉關

危磴千盤似百牢連江寒雨正蕭騷秋風竄入秦
天橫地勢遙連蜀道高山鬼窺人蹇蒺蒺石郎臨

水狎波濤鄉書未寄雙魚杳馬背忘言正鬱陶

褒城

官舍無垣翠巘圍閒花落盡吏人稀江生新水魚
龍喜艸滿空城雉兔肥十載流亡終未復幾家烟
火自相依昇平漸喜無征繕蜀塞今看戰士歸

諸葛武侯侯墓

王師帝佐儼伊顏管樂蕭曹詎等班不分櫬棺留
地上獨懸日月在人間長繩若繫飛星住隻手終
移舊鼎還志決身殲名不滅一杯高比定軍山

黃沙驛

危棧都成十日愁馬前乍喜見平疇元猿聲急青
楓晚紅桂香濃古驛秋天近蠻方常好雨地非吾
土且登樓遠山如黛江如練錯認闌東是益州

曉行辭

村雞喔喔月墜烟衆星盡沒明星懸行人相向寐
無語風吹黃葉墮我前鴉集平沙亂無數曉角一
聲飛上樹遠綠茫茫烟艸深愁來重對前年路

入南棧

行盡秦川更蜀川謁來仍把舊吟鞭峰重水複愁
人落日薄雲濃釀雨天文字因緣應結習鴻泥踪

跡又今年山川漸是宜詩處擬試成都十樣箋

連雨水發行泥淖中比抵朝天關夜漏已二

下矣

家家雞犬上墻眠處處盤渦沒馬肩不斷峽雲兼
峽雨更無江月與江烟一星野火踈林外百疊青
山倦客前行路難行澁如棘用工部羨他得勢放

灘船

自朝天乘舟江行日中可抵昭化愛其山水
行百餘里即遣停泊月上後放舟至縣
溢岸淪連曉漲生敲鉦喜聽解維聲曾經蜀道如

天險愈覺澄江似練平白舫青帘都蘊藉蒼山紅
樹遮將迎長年正擬誇神速應怪停橈待月行

劍門

兩崖對起削雲根邸閣全傾佛寺存千古哀興幾
蠻觸一龕鐘鼓自朝昏無人戰鬼啼清晝不夜於
菟到驛門蜀道荒涼身萬里不聞鈴雨亦消魂

劍州

六千庸蜀遠京華劍外秋風倍憶家馬上聽殘樓
上角客中看遍棧中花已過月閨寒仍早倍覺山
深日易斜却念生平親舊語使車爭似少游車

渡綿江

江烟漠漠白鷗飛倚棹中流看落暉涪右水從中
壩合劍南山到左綿稀孤松遠岸如人立遊子他
鄉見燕歸又是一年秋欲半荻花風起鱸鱸肥

望雪山

蜀山崕岫皆參天雪山高壓羣山巔劍嶺巫峽總
培塿青城峨岫羗隨肩禹跡不到失搜紀遂使岳
鎮居崇班五丁有力不敢鑿胚渾元氣無雕鐫到
今尚存太始雪盛夏早似初冬寒我來成都苦卑
濕每遇高爽心安便入秋十日九陰雨側身西望

空長嘆忽然金風掃霾翳半空橫轉兜羅綿素雲
一段落天外白頭卓立羅烟鬟天門玉龍露寒鬣
海風吹水排銀瀾數百里外一舉首爽氣已到鬢
眉間豎指數峯帽欲墮如坐井底窺星躔壓覆常
憂坤軸折迴旋怕觸曦車翻高鳥之翔不敢度往
來或是飛空仙此外茫茫復何有蜂屯蟻聚叢生
番乃知造物有深意區界夷夏分中邊刀州刺史
且好事欲通天險招呼韓橐駝載布馬載粟羅致
火罽收冰紈去年行臺留陸賈今年絕塞歸張騫
似聞西方諸部落稽首請事天可汗蜀人弱脆蠻
頑姦畏之不啻雀見鷗况復此曹不耕織毳衣肉
食勞縣官安得天上巨靈手擘山為塞邛峽關

絳霄四首

三尺封章隔絳霄百蠻翹首泣銅標赤羗地僻瞻
天遠瀘水波微到海遥強弩未聞收滴博樓船只
解載妖嬈西征幕府蕭閒甚可念天寒舊賜貂
鈴下軍書遠算緡駝車溢地走黃塵炎風朔雪邊
岷淚白粲朱提異域春笳馬盤雲開廢棧繩橋壓
水置危津錦官城北休迴首行盡空村不見人
屠伯威聲龍百蠻營懸一劍尚方領拄天青氣中

宵挂浣澗丹流竟日殷背後吹笙看刺射帳前軟
血指河山受降入夜歸車重前隊傳收蕙苾還
使者東方建節旄遠臨羗族賚諸豪似聞鹽鐵寬
邊禁旋有泉刀屬水曹那襍山高輕度鳥子牛河
廣劣容舫西州行省官勲大借箸何時降雨膏

同人元祐觀者花小飲

一絲朝雨減輕塵十里啼鶯碧樹新驕馬頻嘶曾
到處踈松全似不羈人百花影裡曹騰酒三月中
間爛熳春誰道金門無劇事年年風景趁閒身

夏日雜感八首

一卧蕭齋懶竟成經旬今起下階行日方可畏如
宣孟門亦長扁類士衡寒儉文章慙象管黑甜滋
味泥桃笙年來久負歸耕志誰識看雲不語情
意緒閒於退院僧當關謝客少晨興長腰米未來
江左瞞腹瓜誰餉少陵濩落何妨呼潦倒清羸翻
覺耐炎蒸書生自今長飢耳欲結侏儒却未能
一聲暮遂送炎曦屋角明河拂地垂短夜徂如生
計迫涼秋望似遠書遲蛛絲競巧無人處螢火爭
光墮月時笑汝區區空自喜露寒霜白欲依誰
等閒此事不相關造物多應笑我頑舊雨過門同

斷梗新街添字劇移山素心自怯三珠樹時樣兼
高一尺鬢青瑣西南窳惆悵龕才頻綴近臣班
急裝千騎扈鳴鑾馳道遙通十八盤赤羽射生隨
夜火黃門飛鞚趣朝餐平時暑月宮衣重一夕邊
風翠幕寒辛苦從王男子業自慚樗散卧長安
曾識羊曇乞墅身早開甲第換朱輪拜塵車下多
名士行馬門前斷舊人諫議豈應踈貢禹征西空
解重王珣十年迴首依東閣不會平津是要津
動定由來祇信天羊腸敢道著鞭先驂騮越竈爭
如鼠雞犬升雲豈是仙舊學未諳因熱爨新晴只

想就涼眠旁人頗笑應官懶挂籍金閨亦偶然
誤夢神山欲白頭年年所得是窮愁滌腸好用灰
三石鑄錯兼須鐵六州詩外今無餘事業酒邊時
作小淹留解嘲狡獪吾何有漸擬忘機學海鷗

病足月餘不出同人顧書宣汪安公繆湘芷
疊入字韻為秋懷食蟹詩唱酬甚夥依韻
書懷兼呈諸君二首

半牕竹樹影交叉寒卧渾如折軸車病起案頭添
木序雨晴闌角減苔花酒狂尚憶同諸子詩瘦無
妨自一家八月江鱸堪斫鱠連宵頻夢釣魚槎

一廬老屋梵宮邊好學維摩說病禪愛醉恐無蓮
社著扶行聊得竹君憐書能治俗拚成蠹冠且嫌
多豈羨蟬領取逍遙無限意自儲香柿理茶烟

哭胡芝山同年四首

天意難明竟若斯善人蒙福豈虛辭老叨榮祿遭
讒後病誤庸醫到死時萬事今惟餘子在一生貧
獨畏人知可憐擁絮彌留際猶為君親淚獨垂
東華同踏軟紅塵回首蓬山愴幻身都尉浮湛能
好客伯仁空洞解容人十年不分君終此累月猶
疑死未真記得城南携酒約黃花開後獨霑巾

三千言奏南宮策二十年經北上勞剩有銘旌書
上第何曾初服返東臯新阡兆未占龍耳遺像鬢
猶磔蝟毛深鑱芸齋葺制草一窓秋雨正蕭騷

三月君名其書
屋曰秋雨齋

颯颯寒風五兩偏喪舟仍似孝廉船山重水復他
鄉路雨暗雲淒十月天老母悲唯垂白首故園歸
望及殘年星星蠹紙遺詩在故友何時一為編

託周漁璜
為編定

題汪東山秋帆圖小照

秋聲夜落千門裏東山先生拂衣起三年待詔脊

月消半紙乞假家人喜珪組於我儻來寄興至須
官倦即已冰銜借娛白髮親扁舟歸尋赤松子兩
槳輕將一身去載得清風滿船尾不冠不襪旁無
人兀坐林香凭烏几嗒然濃笑仰視天意中自有
鱸蓴美可人但酌張季鷹俗子猶嗤李元禮五湖
烟水秋茫茫甬中雲夢都一洗好事繪之三尺絹
清名歟滿萬人耳我展此圖三嘆息頓首心折顙
有泚乞身全盛古所難神仙中人此應是君不見
長安城外曉波綠長安城中暮塵紫河橋艇子閒
復聞九陌高軒駛復駛公卿不出春明門都向塵

中浪生死吁嗟我亦困泥滓今日如君真勇矣

微雪

空裏悠悠下寒中冉冉生珠纈俱旖旎花細未分
明度迥饒閒態凌虛劇遠情曉塵乘氣起春絮逐
風輕蝶舞零餘粉梅飄散碎英到階粗有跡入聽
自無聲鶴過殘踪淺人歸小徑成鱗鱗妝碧瓦澹
淡暈金莖庭濶遮將遍雲陰薄易晴遙烘天外樹
冷襯日邊城斗室虛還白書帷靜愈清年豐真可
待瑞兆已先呈

小農詩為張至尹館文賦

戴笠乘軒致本同莫輕五畝重三公野麋飲澗誰
穿鼻飛鳥依人便入籠湘水去應思洛下武鄉封
豈勝隆中他時一卷攜牛背此義憑渠問若翁

楊柳枝詞六首

馳道楊枝間柳枝麴塵新上萬條絲東風著意勻
顏色要及龍津解凍時

枝拂行塵葉委波淡雲踈雨鎮相和年年常認春
三月橫放清陰管御河

十二珠簾花外寒如烟似霧壓闌干無端馬上迴
頭見的勝靈和殿裏看

毳毵千樹一時栽總待春風次第開多謝社前雙
燕子早銜春信過江來

邗溝西畔鏡湖東千里風光一夜同自是楊枝渾
不定莫將搖漾怨東風

一番風光照眼新倡條冶葉好留春等閒莫放花
如雪飛過雷塘便作塵

獨坐感懷

九十春光欲二旬催花風起落燈辰年華半向愁
中盡生事唯餘懶處真託意漸諳吟楚雨閉門長
似在漳濱賈生未辨千金賦目斷天涯輦路塵

次韻荅宮友鹿見東

稽古或受曲士嗤作達常遭俗情怪痼疾塞胸安
可藥眼孔如針僅容芥鳴臬詎厭腐鼠腥蠻觸何
知蝸角隘就熱恨不生羽翰送窮併欲除根蒂七
尺甘因五斗折六經不值一錢賣未必居官同啖
蔗誰辨焚魚如斷疥先生與我泉石流名場偶犯
勞生戒我玉已售君未沽濁涇清渭今區界偶然
傾蓋忘形骸不惜騎驢到廳廨子祀莫逆子輿笑
元駿甘下元方拜口頰沛若天瓢翻肝腸熱比驕
陽曬新秋三復東我詩恍御雲霓餐沆瀣却訝野

鶴羨醢雞何關聰明譽聾聵從來處士輕公侯况
是君身有家派狂吟痛飲揮金貂失一可憎得二
快丈夫肯為升斗忙百歲羞隨腐艸壞富貴暫熱
還逢噴風雅雖饕豷傷介驚世文章日揭天炙手
繁華露棲薤顏君從此歸立言裂月撐霆恣豪邁
百家騰躍歸環中萬軸長留汗羣牒

擬古三首

襟前杜衡草案上鵲巢篇織素三千尺彈絲五十
絃藏親破瓜歲待吉落梅天怕挽秋千索墻頭有
少年

帚袂棲鸞小釵梁鏤燕偏倩情扶陶髻隱笑拾遺
箋夢去峯峰雨身迴步步蓮黃昏收屐子不省抱
愁眠

兩兩輸金屋雙雙侍玳筵自憐好顏色不令施朱
鉛辭輦踈班姑更衣進小憐年年聽簫鼓行過未
央前

咏香與顧書宣陳南麓汪安公同賦

掩冉清芬散網縕薄霧微未濃飄欲斷漸遠擬仍
飛侵曉生芳運因春上舞衣輕呵妝後鏡寒下夜
深幃湯殿融融水蘭缸夜夜輝一星篝火施六曲

綉屏圍月榭初經雨鄰花不掩扉蝶回知有恨風
定若無依錦薦餘溫在羅巾舊事非背人勻麝罷
臨水握蘭歸蕩子同韓嫣名娃勝鮑徽辟邪須作
珮莫只重珠璣

紅葉

煙外消殘綠霜中染艷姿低昂俱的爍濃淡各忝
羞有色拚花妬無香少蝶知千重高照嶺一樹欲
燒籬風動飄愁蚤車停過獨遲薄嫌無月夜窳好
夕陽時妝後胭脂靨更深杜宇枝清溪何限水莫
送斷腸詞

晚雪

同雲低冪冪小閣靜悄悄竟日無來客推窓白遠
岑天西殘照拚簾外暮寒深亞竹將低檻飢鴉欲
滿林松驚冰柱聳溪訝白河沉立鷺身全隱歸樵
跡可尋星星培火種帖帖歛風襟譙櫓三聲角書
惟一寸陰蹉跎年長意委曲歲寒心梅破催春朶
龜餘換酒金閒愁烏足折醉待月華臨宵學袁安
卧無聊戀一衾

冬日雜咏八首

每乞充厨米都無市駿金綠尊留客少白日閉門

深官減裁詩吟貧消好事心羈愁黯將夕何許復
清砧

十月東籬菊非時且自芳好花都占夏素藥只饒
霜叢小無寒蝶墻高限夕陽涼風頗無賴三嗅泣
馨香

脈脈憑誰語悠悠祇自嗟身貧兼歲晚親老復天
涯求祿心仍負謀生願豈奢鴻飛書不到掩淚望
三巴

稚弱憐猶子清羸念阿兄緘書頻畏淚夢別亦吞
聲委曲酬恩志艱難報本情若為人物論須戒不

平鳴

不測尚書咲頻移啓事題車輪終輾轉溝水易東
西軒好仍棲鶴犀竒只駭雞吾師漆園吏得失直
須齊

盲性頻踈脫機心有愛憎人間饒喜鵲天意縱青
蠅玉好空雕葉山高怯倚冰南溟風萬里只送在
霄鵬

秘術從何得仙才且莫論蓬萊原有籍閭闔自多
門鸞熟雲中路桃蟠海外根丹梯天尺五獨立正
消魂

平子歸田意安仁換髻年無窮閒歲月長憶好林
泉衣薄初寒候雲低欲雪天百端無一可只覺曼
容賢

石門吳匪菴總憲 予告錦旋令嗣漢三館

丈隨侍還里同人徵詩送餞作此應命

首二

勲業方歸第一流却拋榮祿向滄洲白家擬結香
山社賀監初迴鏡浦舟一詠一觴傳盛事某邱某
水記曾遊時人欲識神仙否副相懸車尚黑頭
路人嘖嘖羨光輝雛鳳相隨衣錦歸世掌絲綸同
賈至家留清白遺胡威半函諫藁兼宮燭一點文

星傍少微不用他年翻制草玉堂天上已傳衣
重陽後一日諸同人登陶然亭以迴潭石下
深綠篠岸旁密為韻各賦十首予以他出
不獲與遊依韻奉和即呈諸君

歷歷白駒影一下無重迴粲粲黃金花一謝無重
開登高宿醒醒昨日安在哉歲月不肯留鴻雁亦
已來一醉况易謀尊中有餘醅更插茱萸枝且復
臨崇臺

精藍寄高阜孤亭聳西南闌邊矚迴野其下臨澄
潭諸君固豪邁舊態我所諳魚肉就香積引酒澆

瞿曇老衲拒狂客嗔語應喃喃慎毋厭米汁彌勒
原同龕

側媚樓護鯖趨趨敬容客人生不自適多為外物
役偉茲策杖人俱挂金閨籍屢聞拄頰談但有蠟
屐癯陌塵遠自黃秋山晴更碧捉鼻恐不免蒼生
待安石

古道既陸沉世態矜譎詐虛聲或互推榮名終不
借宛轉方寸間峇峩起嵩華刎頸昔張陳覆手今
顏謝何有二十年每出必同駕庶幾金石堅挽彼
江河下

長魚豈池畜飛鳳非籠禽諸君廊廟具皆有江湖
心勝境日吟眺跬步相拓尋屢醉酒徒酒不惜金
龜金有山不在高有水不在深澹然濠濮想可滌
塵土襟

今年秋候異金氣久藏伏十日九陰雨泥行困僮
僕及茲重九後爛熳見紅旭孤葢晚餘香遙峯淨
初綠造物良多情聊戲不為酷假此晴有餘可補
游未足

鼎鼎百年間別多聚常少疇昔杏園人少壯壯者
老東西南北身百千萬里道今者亦偶然相依若

叢篠作達因朋儕不獨風日好會合不可期歲月
如過鳥

迴闌環一週虛牕廠四面托足十仞餘縱眺百里
見水外俯市塵雲中識樓殿紅林霜醉深落照山
啣半脩然耳目清倏若風日換誰識崑閬遊不隔
人海岸

初聞挈榼期預作蠟屐忙及茲命駕出乃以塵事
妨一遊亦有數萬事不易量我車非無輪我馬亦
有疆身如風引舟難艤神山旁咄哉枋榆翼不逮
鸞鳳翔

良會佳有餘新句羨無匹
芭鳳並光華段錦慚麗
密欲繼振玉音愧乏探
驪華追遊既未諧誦詩仍
自失敢爭盟長雄願志射
彀律讀之當卧遊三復
散愁疾

燕

水滿方塘柳覆檐
舊巢零落曉風尖
鬱金梁靜頻聞語
豈蕊香濃不隔簾
故國夢歸春晚晚
重湖書去雨廉
織烏衣子弟應難覓
銜得新泥與恨兼

正月十五日偕熊敏思陳南麓周漁璜三同

年慈仁寺花市看花三首

古寺門前十丈埃
清晨騎馬看花來
討春拚有千場醉
此是閒行第一回

狂花總借地爐烘
剛到元宵已放紅
肯信春林千萬朵
自然成長任天工

擬共春燈鬪麗華
千叢賣入貴人家
吾儕作計偏迂拙
獨種空枝待發花

是日漁璜買紫藤一本種於寓齋

秋蝶二首

日日低飛趁碧叢
春風過後復秋風
閑情漫逐寒暄變
一葉輕身總夢中

飄揚栩栩任天真
可是桃源避地人
世上興衰都

不識花開花落一閒身

味和堂詩集卷二

懶後憂餘集詩目

風氏園古松歌

曉仙謠效溫飛卿體

題費葛陂水仙紅梅畫幅二首

放鷹行

秋荷

歲暮夜永頻苦不寐取昔年故書讀之有感

成一長律

館中即事疊前韻

檢史館舊籍有感再疊前韻
有感四疊前韻

題陳南麓同年匡山讀書圖

賦得新秋

美人蕉

寒食後三日偕同年熊敏思周漁璜游黑龍

潭二首

史耕巖宮詹先輩招同同年熊敏思龔于路

張天門三編修陳南麓給諫遊西山出郭

有作

摩訶庵

慈壽寺

重過元福宮

皇姑寺

畏吾村西道中作

宿翠微寺

善感寺

史耕巖先輩為二絕句咏余籐杖作此奉答

碧雲寺

碧雲寺海棠

自碧雲寺至香山得四絕句
未至退谷入道旁僧寺小憇

隆教寺

卧佛寺

自山中歸途中呈諸同年

晋祠七首

過雁門有感二首

忻州道中

過長平驛感阮卒事有作三首

土木四首

會稽周紹虞先嚴幕客也夜讀其詩有感

却寄

過故人舊墅二首

正月十日同且園七兄燈市歸作四首

送陳南麓同年之奉天府丞任

初伏日集張天門寓齋是日暑甚晚雨微涼
螢火

賦得槐杪清蟬咽雨餘

秋陰

有感次且園七兄韻

題溫樺村小照四首

又贈樺村

柳絮詞

閏三月二日同人集同年范書山寓齋續上
巳之遊各賦古詩一章

雨晴有感

送蔡若璞永平上塚

客懷

送同年陳南麓

又

丁酉五月為先人相墓永平未獲吉壤歸

過段家嶺悽然感懷回念先嚴宰洵日

已二十三年矣

過三河

題友人漸水泛舟圖三首

寄內四首

題蜻蜓蓼花畫扇

立夏日偕同人城南看花四首

題征南圖四首

琴魚二首以題為韻

味和堂詩目録
戲送人販馬四十韻

與熊敏思登蟠龍山頂望都城值大風有感

呈敏思

龍泉庵

擬公讌詩

味和堂詩集卷二

男恪書勳校編

懶後憂餘集

鐵嶺高其倬章之

性質謏拙生平慵於命筆復懶酬酢往還無他賓友獨諸齊年時一相過以吟咏為娛客之具故所作與同人倡復者居十六七丙戌後游舊零謝懶不作詩戊子後校士山右不暇作詩壬辰丁外艱三年中無詩甲午復除館職稍理廢業通括前後得詩一百一首復作一冊二十年翔翔詞館復逮見作者而所

有篇什寥寥若此其于詩可知矣存之如人
不忍棄舊衣物耳敢有意於頡頏當世流播
方來耶其不丐弁言猶前之志也

風氏園古松歌

風氏園中松絕竒種自何代無人知屈鐵斜抽三
尺榦驚蛇橫走十丈枝虬根鬱作蠖盤曲蒼皮老
化鱗之而矯矯健態自磅礴幻怪不假神扶持如
鶴弄翼勢側偏如馬轉控身迴旋欲奮潛蛟乍伸
縮將搏鷲獸先蹲踞畸士傲兀方晝眠左舒一足
曲右肩美女妙技呈舞筵反腰貼地轉睨天城南

三月集游屨綠草鋪茵柳飛絮濃陰數畝自週遮
橫列十人容坐語獨開一面向西山不甘就日延

東煦青春滿眼飛烟雲白晝空階颯風雨往者豪

闡移巨樹

前明巨闡為墳寺
多強移人家巨樹

剡雪椎冰取連土高

花數丈柳十圍發屋排墻舉將去平泉綠野不敢
爭矧此荒園屢無主安穩還因勁直姿籲呼豈待
他人拒大厦需棟非所需不材何有班斤冀只愁
空庭雷雨入化龍飛去歸江湖畢宏韋偃今世無
我欲繪此誰能圖不如為君且沽酒暇日相從學

草書

曉仙謠效溫飛卿體

明星出地月墮城白河斜挂西南楹丁冬細漏咽
殘響蘭缸短焰青熒熒隆準翁孫赤龍子夜看真
圖倦朝起身輕夢入蓬萊宮弱海三千一杯水七
曜迴光照玉堂倒持北斗傾天漿綠華舞落玉條
脫醒聞墜地聲鏘鏘半尺瓊籤報天曙宮女起收
仙掌露通侯更拜白茅人歲星却入中郎署

題費葛陂水仙紅梅畫幅二首

誇紅逞白太嫣然畫裡風神分外妍記取江南春
好處蠟梅開後杏花前

丹青點綴越溪春手把閒圖憶故人忽忽離尊如
昨日眼看庭樹十回新

放鷹行

廣原兀兀天四遮樹頭月落吹蚤茄將軍錦袍金
鞞韋寶弓六石馬五花從者百騎寂不譁班駝赤
驃驪駟駟駢頭並驅如排衙鞞上角鷹嘴爪佳曾
肉妖狐搏巨蛇金鈴掣臂風捲沙馬前一點掠地
斜飛走窮促喘且呀裂眦潰腦困攫拏舉鞭數獲
載滿車雉大如鷲兔如獬炙肝燔肉傾流霞侍兒
十五彈琵琶歸來猶作三日誇相如豎儒井底蛙

如何上書諫大家

秋荷

碧玉樓頭暮靄遮，莫愁湖上夕陽斜。
綵舟不待西風去，剩得盈盈數朶花。

歲暮夜永頻苦不寐，取昔年故書讀之有感。

成一長律

朔雪嚴風逼歲除，一年身計復何如。
聊充大隱還通籍，空負窮愁未著書。
羊杜僮荒官格減，稽劉凋逝舊遊疎。
一編還理兒時課，短檠長宵破臘初。

館中即事疊前韻

西頭芸局近椒除，信史難成築室如。
下士寧諳天上事，後來誰會劫前書。
百年人遠叅稽少，五等勲高紀載疎。
日佩銀魚慚飽食，自憐歲月二毛初。

檢史館舊籍有感再疊前韻

太白生芒兆掃除，軍符旁午事琴如。
千秋業定三章約，萬里城摧一紙書。
黥卒分茅勲莫並，盲公謀國計全踈。
故鄉隱隱青編上，遼鶴傷神換劫初。

有感四疊前韻

秘館需才有急除，枚臯遠過馬相如。
功名不入黃山苑，消息何來綠字書。
潛水珠胎遲月滿，占春楊

葉得霜踈請看國手論碁處較勝何曾在局初

題陳南麓同年匡山讀書圖

我生願作山澤臞涉獵名勝周方輿又願博覽為
通儒捃撫經史收膏腴洞天七十在眼底牙籤三
萬充坐隅豈知清福帝所靳坐令失念趨塵途稍
攻帖括事章句旋紆青紫乘軒車峨冠如箕綬聯
組面目塵俗中空踈狡獪或可到卿貳以彼易此
寧非愚會稽陳君我同志富貴於爾浮雲如邇來
自檢杜陵句命客為作匡山圖芙蓉九曲展屏障
雲霄五老朝香爐高揭天紳落風雨橫界地絡今
荆吳元猿下飲石潭靜白鶴曉踏長松孤一亭枕
山側睨湖一人趺左右足舒長身紅頰胸垂胡舉
頭看山俯讀書讀書看山樂有餘如渴夢飲飢夢
舖夢中了了醒乃無何如買棹返故居金庭福地
神仙都三千丹篆秘玉厨人間文字皆秕稊何有
紙上之匡廬致君堯舜非吾徒我亦從君退荷鋤
人生百事須壯夫歸來頭白胡為乎

賦得新秋

蓮老紅猶在桐衰綠未稀雨窓殘暑去風簾嫩涼
歸倦喜拋紈扇貪愁製袷衣查頭編可罩頻夢舊

漁磯

美人蕉

自解傾城舞偏宜少女風箋長猶卷綠燭短未銷
紅墻角娟娟影闌西小小叢客窓孤檠夜秋在雨
聲中

寒食後三日偕同年熊敏思周漁璜游黑龍

潭二首

劫燒遺墟幾換春神仙幻夢竟誰真竹宮恍惚當
年事金馬浮沈現在身百歲騰騰堪幾醉一尊艸
草且三人無忮剽託閒游遣肯更應官戀路塵

兀兀窮愁戶晝扃等閒游屐比晨星十年芸局頭
俱白幾日春風草又青山鹿由來怕羈勒海鷗終
欲狎滄溟虛舟不繫原無著未分從人較醉醒

史耕巖宮詹先輩招同同年熊敏思龔于路

張天門三編修陳南麓給諫游西山出郭

有作

秣馬脂巾車良游共賓友出郭歷遠郊去路指曾
阜節候桃花前川原新雨後風畦麥偃波春渠魚
縱瀏村暗樹烟深塵香落紅厚問途白髮翁賒酒
舊裙嬾西山忽歛雲千峯直馬首側聞盤龍岡峻

極轟參斗會臨萬仞巔一氣俯培塿

摩訶庵

八字朱扉碧樹間偶緣客至暫開關松梢紅上三竿日樓角斜銜一崦山鋤麥人衝殘雨去坐禪僧共落花間未能便入宗雷社且約芳時數往還

慈壽寺

蒼苔半沒泥金榜飢鼠來偷照佛燈無限滄桑前度事朝朝風語墪巔鈴

重過元福宮

辛巳春與諸同年共遊茲寺飲酒甚樂今胡孟行顧書宣汪安

公皆沒寺花亦異昔時悵然有作

當時梨杏向千株今日風光總不如老樹無花三月半舊遊似夢六年餘偃松風拔新栽榆柳果園荒旋種蔬同醉故人還幾在酒痕猶浣舊衣裾

皇姑寺

巾幘匡時省殺身終教帝子悔蒙塵當時自會無生意今日翻留不了因龐女獨饒方外友陶公可是社中人畏吾村畔勾留處別有郊原浩蕩春

畏吾村西道中作

路僻無車馬村幽似畫圖晚晴鳩喚婦遠隴雉將雛天氣兼寒暖雲峯乍有無無能謝塵鞅過此獨

踟躕

宿翠微寺

林樾互蔽虧岡巒相枕帶逕迴雲磴高谿轉石梁
隘迸泉濺人衣衝風振松籟烟生墟里間日下牛
羊外步履隨昏鴉聞鐘宿香界

善感寺

一谿唯白石四面盡青峰徑窄纜通馬墻高不掩
松窓中何處塙雲外一聲鐘欲去聞殘偈迴頭萬
憲慵

史耕巖先輩為二絕句咏余藤杖作此奉荅

萬里昔相持難忘入蜀時還如桃竹杖贏得浣花
詩

碧雲寺

崔巍碧雲寺壽安山南陬前貌衆龍象後植千松
楸于經首作俑魏豎復效尤規制駭心目宏麗無
匹儔近屏羅翠嶂遠勢交迴洲石室窈中空繚垣
屹外週鏤階鳳襪袂琢壁龍蚴蟠僭侈陋陵關豈
止逾王侯當其繕構際乾坤因徵搜攻石千仞岡
輓材萬里舟蒼生莽流冗四海輸琛賾竭彼血萬
斛就此土一杯刑餘胡敢然童昏寄垂旒軫臂奪

之柄蠱腹心舌喉鉗質殺喬固軒墀延共堯上擅
天賞罰下快私恩讐敵張寇盜熾木蠹禾生蝨罪
雖淪一族禍乃延九州高廟血祀斬泗社蒼烟愁
思陵葬無所麥飯矧可求昌平寒食日春慘風颼
颼民家敗紙錢吹挂陵樹頭窮竒舊衣冠乃得歸
巖幽百年有餘恨烈士涕橫流偉哉張侍御一洗
異代羞仆碑刻名氏伐塚為平疇茲事良義舉我
更借箸籌賢聖律既往為後世罰褒善固揭百世
惡亦昭千秋誅姦賴直筆不繫塚去留上世戮鯨
鯢封骨高嶒嶒請肆彼遺骼存此招魂邱用之作

京觀事異理亦倖覆轍留眼前後車庶迴輶殷墟
歌離黍鑿之者有周作詩述胸臆以俟采風輶

碧雲寺海棠

幾點殘紅未委塵二分新綠染初勻種當祇樹鋪
金日老伴維摩示病身芳艸一庭無過客小園三
月又深春廣泉花木偏顏色高挂朱牌禁看人
自碧雲寺至香山得四絕句

看山蚤起趁清朝卯飲微醺半晌消碧澗東頭盤
馬地十年猶記小橫橋
山村深處見樓臺行到街西首重迴牆裡桃花墻

外路風中時有暗香來
階旁老樹挂朝霞
門外輕風颺落花
五百年前天
上水閒人來試火
煎茶
昨日狂風前日雨
杏花狼籍野棠開
閒官剗是無
忙事作底春殘始
肯來

未至退谷入道旁僧寺小憇

身似籠禽豈自由
心如野鶴愛林邱
村童引馬看
松去嬌鳥憐春喚
客游問道怕穿西
苑路携僧閒
上夕陽樓經過底
要知名寺但有花
開便肯留

隆教寺

竹老饒千个
花殘剩幾枝
重尋曾到寺
仍記舊題
詩鳥起人來
處鐘鳴僧飯
時塵棕不煩
遣闌外有
清池

卧佛寺

空堂瓦落透斜曛
却勝香山與碧雲
猶是一區清
淨土鐘魚不護
寺人墳

自山中歸途中呈諸同年

此身猶未著荷衣
清境無緣便息機
紅雨撲鞍遊
騎返青山滿眼
舊心違莫嫌相
訂重来數漸覺
偕行故友稀
三月剛能餘幾日
却回城市送春歸

晉祠七首

不見分祠社空餘懸甕山祠荒千載後泉出兩峯
間金虎當星位珠龍護水關天人靈氣在笙鶴有
時還

北望千村簇東流一派長魚菱占地利秔稻發天
香民健偏難老年飢不暫荒故應唐帝子還福舊
封疆

神女事應安唐碑蹟正竒門隨流水入步逐好山
移春晚花纔遍樓佳下自遲虛疑石巖底猶有地
仙芝

老柏高無限雲濤翠欲流層崖颯風雨百歲小春
秋暖覺青烟動靈邀紫鳳遊晉賢知甲子曾識種
年不

千嶂芙蓉影澄虛一鏡涵春晴沙漠漠橋靜柳
移晚日風吹帽深杯醉墮簪茲遊空冀北或恐是
江南

良遊懷故舊勝事惜離羣地迥仍千里花闌剩一
分孤鐘搖旅思遠目送歸雲此意何由達夷猶到
日曛

誦賦憑芳樹彈琴坐綠苔客遊寧久住春去豈重

迴且待當頭月休推入手杯明朝便陳迹走馬背
山隈

過雁門有感二首

神京右臂晉咽喉曾宿雕戈控上游一箸籌邊高
築塞九州抽甲遠防秋請纓誰出驢駒道選妓翻
開燕子樓當日儲胥過北斗仍聞驕將盡封侯
崇山為谷海生埃遠鶴飛還弔劫灰戍卒閒當官
道卧耕人秋出舊邊迴時清不待鳴雞度客早仍
先旅雁來三百年前射雕處於今欲覓揆天才

忻州道中

雲際看忻口林間指代州河高新受雨山澹遠橫
秋鵬鶚迎寒疾牛羊近塞稠時清無戍火一笛起
城樓

過長平驛感阮卒事有作三首

丹水橋邊落日明頭顱山畔晚烟生千年碧血無
遺葬幾簇黃沙有廢城陰密復冤酬上黨新安阮
卒祖長平紛紛豎子真兒戲齒冷西來阮步兵
請荆人遠寇方深酷負相如避路心河外能教歸
卞璧宮中難使却秦金冥昏轉覺之竒懦宋小應
憐向戍黔零落澗池遺瑟在老臣無術覓餘音

猿鶴沙虫盡劫灰
盲人柄國是災媒
白頭移印孤臣去
赤手收城上相迴
九曲風濤搖砥柱
六符芒角坼中台
王家但解升公族
誰采虞卿異姓才

土木四首

哨脚未過毡帽北
塵頭已壓海陀東
誰拚孤注輸天子
為有刑餘擬寇公

英雄天定力難爭
一卷青緇後世名
只隔桑乾三百里
誰將土木比平城

兒孫不識棘門軍
只賞邊臣築塞勲
獨石牛羊平出口
居庸亭障上連雲

路馬重瞻不返輪
袞龍還上再來身
神靈有意非天意
曾是親征下詔人

會稽周紹虞
先嚴幕客也夜讀其詩有感

却寄

東風同醉百花時
曾伴山翁倒接羅
鬢雪平欺司隸客
春苔已沒魯山碑
一杯土淺長饒淚
時先嚴遷葬事
未定四海交窮但有詩
欲徙短檠相就讀
展君吟卷不勝悲

過故人舊墅二首

荀香何粉事全非
到眼空驚柳十圍
撲砌苔花秋

暗長過墻螢火夜雙飛新隣未敢知今主短筭難
容叩舊扉門迳不殊風景換林間月上紫駝歸
和鳴教得成雙鶴獨本移來第一花腕底吳絲能
解穢籠中蜀鳥省呼茶白鷄驚破玲瓏曲碧玉催
歸輾轉車只剩當時舊賓客珠簾壁月記繁華

正月十日同且園七兄燈市歸作四首

六街春鼓殷晴雷怒馬驕輪一闕來篋裏敝裘旋
典盡也從燈市買燈回

火玉明珠列兩行輸他厦屋照紅妝波旬醉後天
如漆鼠子爭偷一罅光

靈祐宮巍斗極春燭天燈火爛星辰光明欲遍閭
浮界不照人間感額人

逢場童丩競隨肩兄弟相携各惘然貧借月明閒
貰酒風光回憶十年前

送陳南麓同年之奉天府丞任

甲午夏月次鶉火陳君東去丞陪京月題之輪約
青幘翩翩白馬懸朱纓風吹蒼髯拂肩領長身突
兀雙顴頰後車輪困載墳典前驅合沓羅旗旌路
人如堵看祖帳客前陳辭酒再行山海之東富竒
詭水產陸孕紉千形熊肪三寸削玉白鱈鯉一丈

如龍猗活猗挺鹿掣生尾瘳掩雞雉披柔翎巨蛤
腹腴瑩見子芽蕨拳飽肥脫萌八梢偏口略粗俗
黃羊水獺猶羶腥君到正遇八九月應饗北食忘
南烹郭外日紅看放獵月輪壓地排千兵鶴弓可
手稱鷹箭馴駒口熟知人情馬上射生下州檄吏
卒喑嘆官寮驚書生如此良不惡行矣竄樂餘何
營我時避望亦為壽敢有所獻君吾聽蒲河鉄嶺
我故土身雖不到心能明 皇家大業首遼瀋有
漢關陝唐汾并膏原垞北二千里崇墉岌業一十
城薇局中開應箕尾王氣直上聯魁衡已聞方召

降喬嶽宜有董賈鍾菁英後生無師孰埏鑄適喜
碩彥司膠鬲願稀射獵課文史數親短槩踈長檠
別裁偽體定塗軌披汰瓦礫搜璜珩中和樂職正
宜作子淵之後君再生大海泱泱浸日出長山轟
轟撐天青縱探極目厲其氣推排河岳鞭風霆發
為聲詩被絃管常武是弟綿是兄便就童子覓何
武或有骨骼堪公卿采風九牧貢 軒陞升歌一
闕通神靈咸池雲門見光景金泥玉簡基云亭君
不見元和韓碑睨典誥劉詩柳雅窺齊盟生平羞
與曹檜伍歸其眎我當繼聲

初伏日集張天門寓齋是日暑甚晚雨微涼
紅燈映閣綠醅新酬對渾忘孰主賓喜雨恰逢初
伏日到門還是舊來人一簑我負烟波約十載君
抽簿領身霄舉泥蟠知有定不妨文酒小逡巡

螢火

嗟爾何微細新因腐草生光無方寸遠身較一銖
輕靜逐微風起斜穿遠樹明無聲潛入幔有月怕
窺楹露重星垂地燈殘燼墮藥炎天驚冷燄織影
媚深更秘苑先秋入宵遊待汝行只愁蓮漏轉赤
日漸崢嶸

賦得槐杪清蟬咽雨餘

撼撼庭槐綠暎除空庭寂寂雨踈踈一絲殘響殺
難續滿樹涼風怨有餘霜管簧寒移調後銅琶曲
罷劃絃初零音餘韻同幽咽併遣羈人憶故居

秋陰

漠漠遙空失遠岑秋庭欲晚倍蕭森雲中有影斜
陽墮樓角無聲暮鼓沈極北重陰連紫塞過江甘
雨抵黃金天公未擬均膏澤只作愁霖惱客心

有感次且園七兄韻

偏側萬慮慵驅迸衆事廢新令疾風霆舊禮委蒿

萊再宿煩筋骸屢吁熱肝肺敢述聞樂悲何成自
公退爽颺秋不來炎暑夏長在轉覺村叟賢屋上
烏可愛蚤歸先雞聲殘睡兀羸背入戶曉氣清披
簾日影碎且休輾轉輪如息俯仰碓白飯酬飢劬
清樽自慰徠危運方險巖子身畏尤悔豺虎非鳴
哇何由憐憤憤

題溫樺村小照四首

純純大隱市朝間心比秋雲一倍閒如此風襟自
蕭爽不須位置向溪山
威遲常侍知名日約畧蘇州折節年絕妙射蛟屠

虎手還開叙洛演河編
雪泥印爪過飛鴻牢落淮山舊桂叢不向春枝問
花信人間何處有涼風
謝傅門庭接履綦醞雞野鶴幸同時韓家更有冬
郎在未敢題詩惱畏之

又贈樺村

鼎食何妨更鼎烹淮山梁苑若為榮一杯薄醴知
深意早解佯狂獨穆生

柳絮詞

千蘼遍試東皇剪催散柳花芳力軟踏青無人白

日靜一聲啼鳩青陽晚游空墮席何續紛疑烟斷
 靄相網縕萬點全飄荻洲絮一片欲夢梨花雲纖
 塵同輕玉比潔滿簾紅日霜華白有袷難裝不煖
 綿未雲更落無寒雪謝女不語顰雙蛾鬢絲妬色
 愁柰何一尺柔荑繫蘭舫澄潭鴨綠青萍多義鞭
 鞭日日不住漢上空驚十圍樹歲歲江南青艸長
 便風吹上雷塘路

閏三月二日同人集同年范書山寓齋續上
 巳之遊各賦古詩一章

春閨氣有餘生意殊未已早樹敷繁陰晚花破孤

蕊歘然朝雨晴風日爛清羨盍簪招舊遊良讌續
 上巳祓除假詩篇滌蕩富文史溟海倒驚瀾澄霄
 淨纖滓已若濯江湘無煩涉溱洧興酣落日黃日
 極暮山紫暢適斯一時俛仰雜悲喜夙昔醉杏園
 吾徒矜壯齒聚散二十年鬢髮今如是古今貉共
 邱歲月磨轉蟻文章日揭天富貴風過耳高軒底
 用乘退筆且須泚騷壇巍百重詩城屹千雉庶幾
 窮津梁努力聯鑣軌

雨晴有感

薄宦何緣有世情麤才未擬致時名竄逢霽景澄

鮮日却憶溪橋放浪行歲月欺人霜髮早京華種
樹綠陰成春山灤上閒如許天氣年年爛燭晴

送蔡若璞永平上塚

馴駒初服短轅輕故國東還五日程宰樹有陰悲
夢幻春風無力近清明塵中朱戶方昏晝水外青
山更晚晴獨立蒼茫重無那年年送客向灤平

客懷

翹首曾雲眯目塵小山寒重桂為薪醉仍可哭非
窮路狂尚容歸固幸人城旦無書還甲乙槐安何
國鬪精神天荒地老心難折拍掉橫流任此身

送同年陳南麓

古交遂陸沉衆趣變寒燠垂老乏朋儔念子行復
去麻衣色如土離觴不能御宦達竟貧辛親遠益
愁慕喬柯儼有陰抔土淒無處故舊滿高車疇為
麥舟助花殷鑑水春雲黯蒼梧暮孤柩眼中陳清
淚夢餘注重趼犯百巒萬里兼兩顧還歸江上堂
尚識松間路元髮白成今青山澹如故夙昔林壑
心未乏滄洲趣京華塵壒間娛親廿年住紫桑徑
即荒瀧阡表終著人間一大事送死重邱墓北風
起南國努力畢封樹

又

風詩本性情王制被管絃中具四時氣心聲發靈
源裂錦豈成匹吹花詎能妍蜂蟻自雄長蛇虺紛
相憐大義久茫昧詹詹繁小言鑣軌古有則津涇
今可緣決驟雅頌域撫弭騷些鞭沉幽洞九地抗
極摩穹天九章爛華袞五緯聯星躔寓寄比興義
迴幹風化權無益在所屏有作非苟然斯意秘胸
臆鬱鬱垂十年昨齒竟誰語出口憂訛愆比來舉
似子沛若水赴川君詩寘近古茲事宜仔肩百世
豈吾恕俟後猶鑒前行矣勿蹉跎與子各華顛

丁酉五月為

先人相墓永平未獲吉壤歸

過段家嶺悽然感懷回念

先嚴宰洵日

已二十三年矣

劫劫輪蹄搶暮塵悠悠歲月剩悲辛術踈悔擬占
原隰誠薄終難格鬼神京兆新阡竟何地桐鄉舊
事記茲辰先人洵邑是秋霜春露無窮淚遺緒茫茫
愧此身

過三河

日照城西嶺風吹柳外塵依然昔時路那作獨來
身遺愛蒼生舊孤兒白髮新眼看原上草二十四

回春

題友人漸水泛舟圖 三首

千重紅樹週遮處一派澄溪自在流
載得斜陽滿歸艇好山無限重回頭

閒携穉子作江行秋水為神徹底清
只恐烟霞留不住都來毛骨是公卿

溪山下築君曾往湖海浮家我亦諳
游屐歸橈俱寂寞却從畫裡見江南

寄內四首

撲袂西風悵據鞍勞生底事未容閒
河梁跋馬無窮意一片斜陽幾簇山

菊花黃遍晚寒多二尺燈檠照幕羅
不離釣魚臺畔去無端新夢似灤河

他日題詩憶北平半窓落月迥含情
也應此際惜惜意無那砧聲復雁聲

知君竄少塵間意願我都非濟世才
灤上青山三百曲幾時同挽鹿車回

題蜻蜓蓼花畫扇

纖纖紅穗垂波弱颭颭輕身點水遲
記得江村如畫處白蘋風細雨晴時

立夏日偕同人城南看花四首

野性都無畛閒行不厭頻春遊兼入夏晚起亦侵
晨軟草平鋪地輕輿穩著身城南來往數人目是
狂人

沙路綠溪曲風帘出柳斜踏青唯信馬迷路忽逢
花村靜聞吳語泉香試越茶翛然遠塵俗偏愛野
人家

淺酌新篘酒平攤小樣瓊萬株紅藥艷一幕碧天
圓醉可留花下春仍在眼前題詩誰第一小謝有

新篇是日周漁璜咏芍藥有一種繁華不相
侍牡丹前日送春歸之白余為服膺

曲欄憑已遍欲去更夷猶青嶂收殘雨斜陽在小
樓馬驕頻嚙膝花好重迴頭明日無事還期挈
榼游

題征南圖四首

連巴控楚事縱縱獨指欃槍豎節幢但解孤城堪
作塚誰言萬騎可橫江朱旗颭地親麾陣蠻甲齊
山望受降南去光輝照行路馬前白鉞一雙雙
橫探沸海掣長鯨旋許開牙領百城滿眼青燐新
戰血一隅赤子舊編氓身當方岳為霖雨手挽天
河洗甲兵弓矢載橐豺虎盡歸來頭白見昇平

十載投荒海一涯故關已入敢言遲歸雲自戀初
時岫棲鳥猶驚已定枝爾日封侯多部曲當年屈
指寄安危至今湘漢諸耆舊猶記將軍倚樹時
馬鬣封畱漆水東爰田已沒舊樓空薛碑遺字零
星綠戰壘秋陽寂寞紅不夜人寰方白晝無私天
地自春風且畱粉本傳孫子好待他年寫鄂公

琴魚二首以題為韻

喁噏春藻綠游泳碧潭深未逐飛仙去翻勞漁父
尋形骸欺粟顛生活寄蹄涔不及淮南犬佳名愧
玉琴

聞說神仙味封題寓傳車佐餐春韭白飛箸玉盤
虛誰起秋風思將刪鮒議書彥通容對食未擬惜
金魚

戲送人販馬四十韻

挾策人何限空羣妙獨窺殷勤思穆驥重疊夢秦
驪自許支公癖羣疑濟叔癡前身通馬語蓋代圍
人師蟻塚寧勞試龍媒固可知無心分牝牡有術
致權竒禹服窮天地榆關暫鼓鼙連山荒苜蓿遠
使隔龜茲十二軍營整三千道路遲艱難將絮幣
飢渴逐旌旗掃地收麟種傾囊得駮姿四蹄風乍

入五色錦全披鬣慣斜身控銜偏隻手持飛竿霜
隼下旋鞚月輪移呵煖柔僵指衝風坼凍肌河水
三尺夜野火一星時白苧偕雞唱黃梁帶雪炊多
情迴轡酒得意據鞍詩落日邯鄲道朱樓漳水湄
窓明花亞檻簾靜月當墀解珮王孫意留賓謝女
眉醉霞緹暈臉舞玉軟凝脂送恨歌三疊迴頭柳
萬枝芭蕉心不展蠟燭淚雙垂紅粉人難換斑駁
路易岐年華新客髻踪跡舊天涯山葉黃仍落涼
蟾滿復虧橫溪晴澗灑遠岫曉參差平楚東連海
名城右枕伊股肱周岳牧郡國漢藩籬騷牝思歌

衛驛騏欲頌僖選朋寒習射行部畫褰帷一顧酬
殊價千金足厚資腰纏奚羨鶴脫穎已如錐江迥
歸浮棹亭閒醉賭碁椎牛渾舍喜任俠一方推伯
樂猶年輩王良是大兒殊材寧久棄伏櫪莫徒悲
代谷言終踐燕臺事可思陶朱千載意晦臨衆人
嗤

與熊敏思登蟠龍山頂望都城值大風有感

呈敏思

城中拄頰看西山千峰歷歷橫眉端山頭倚杖望
城市萬雉鱗鱗在足底左有潞水右太行桑乾流

合東南方王氣中開五百祀上應北斗興明堂瓊
樓十二門九閣王侯甲第麗青春大風忽起白晝
昏俯視一氣不可分唯見叅天蒼蒼之綠樹蔽空
翳翳之浮雲浮雲綠樹朝復暮英雄豎子俱成塵
君不見石甕山中耶律墓碧雲寺後于經墳連雲
樓觀已傾圯滿山松柏摧為薪天邊紅日不肯回
頭上白髮仍相催攀龍附鳳有時輩餐腥啄腐非
吾儕與君無何日飲酒買山著書歸去來

龍泉菴

長松覆小菴孤絕寄山麓飛泉何處來一線落空

各涓涓赴石渠蒼蒼蔭山木濺沫跳珠璣清響雜
琴筑曲池鏡凝光微漣風颺縠白石明可數落英
粲盈掬青天見歸鳥斷嶺下飲鹿幽事喜盥嗽餘
潤反花竹可憐長安城苦泉論斗鬻安得甘露漿
散入萬家腹

擬公讌詩

倉庚鳴高枝春日已載陽滄池鏡新泝玳木擢早
芳高讌懷良辰飛蓋臨玉堂清言韻絲竹醉德匪
酒漿願唯葑菲姿厠植蘭桂旁洪鍾儼在懸筵叩
亦得將景行維高山德音不可忘鴻鵠志霄漢雁

驚懷稻梁願言慎其儀終近君子光

味和堂詩集卷三

灤陽消夏集詩目

乙未夏四月二十六日從

駕避暑曉發途

次有作

宿湯泉

伊州

懷柔早發即事有懷蔡若璞

樺榆溝

喀喇和屯曉發

熱河

即事

寄內

射堂

夜雨

對月

月

偏師

間行與文震青編修同賦

雨後偕阿立恒學士水際晚眺

題汪千波黃山采藥圖

四首

題畫扇

四首

晚步即事

三首

佛山

前題次阿立恒學士韻

前題次文震青編修韻

前題次敦陞升閣學韻

二首

題畫

四首

立秋日夜望

不寐再成一首

青城懷古

晚歸

雜咏二十二首

味和堂詩集卷三

鐵嶺高其倬章之

男恪書勳校編

灤陽消夏集

乙未扈
畢避暑熱河作起四月迄十月

乙未夏四月二十六日從駕避暑曉發途

次有作

日永風薰避暑天萬靈弭轡候先鞭雙龍不動

黃麾正滿月孤擎曲繖圓地馭神原延禹轍谷

歲暖律待霓絃銀鞍赤管隨天仗張邴終慙

賈馬賢

謂同值諸館丈

宿湯泉

萬幕齊張靜不誼滿川斜日雨餘天宮花半落飄
如雪泉氣常溫散似烟待射馬排行仗外校書
人到御林前班陳漫上籌邊議敬勝能搯
戰勝先

伊州

伊州歸職貢青海請衣冠稍覺論兵易猶應置戍
難流沙西極遠雨去聲雪北庭寒上略終無戰將軍
漫據鞍

懷柔早發即事有懷蔡若璞

似鏡清流渡馬渾如烟綠樹隔塵昏萬車爭隘雷

霆鬪一校當岐虎豹蹲羞認青旗投餅肆偶因翠

巘憶龍門余保安故居近龍灤陽舊約能諧否此

際無君與孰論

樺榆溝

寺連山勢起河與地身平入夏初無雨安流得不
驚湖魚天上味巢燕異方聲未獻書兼賦多才愧
長卿

喀喇和屯曉發

控馬瞻高旆披衣待曙雞地當灤水北家在霧靈
西塞遠山相續邊寒艸未齊連朝足陰雨石路喜

無泥

熱河

昆圃原宜苑神山自有樓星躔連尾今職覲近
皇州地勝清無暑湖平滿不流 聖人行處好塞
麥十分秋

即事

有巷皆車馬無名亦市廛樹根珍比玉雀卵貴論
錢處處聞鳴鏑朝朝衣薄綿沙隄騎馬路僮僕喜
晴天

寄內

蒲樽角黍感佳辰忽漫辭家盡一旬多病憐君非
健婦承歡知我憶慈親莫吟膏沐愁中句且喜平
安塞上身簪筆執爰吾分在 主恩已重敢逡巡

射堂

調馬馴鷹意未慵射堂碁墅日從容冠飄孔翠天
風細衣染鵝黃御氣濃煮酪密尋關外水看雲遙
指仗間峯應啣頭白讐書者名紙生毛筆退鋒

夜雨

並塞三間屋輕裝一葉身有聲通夜雨無夢異鄉
人牢落青門意衰遲白髮親棲棲求祿者何日慰

艱辛

對月

北極風初定東山雨暫晴何曾今夜月不似故鄉
明輪定當樓影鴉喧匝樹聲老親應念子危坐向
深更

月

帝子芙蓉檻仙人玳瑁簾共憐今的的不道本纖
纖寒極偏生桂圓時但隱蟾六更鐘漏假莫認夜
厭厭

偏師

偏師氣銳擬擒王宿將謀深待累糧板屋人思逢
寇郭玉門天遣閉河湟十年未必西窮海三策唯
應內恤疆誰指金城相形勢上書不抵繪圖良

閒行與文震青編修同賦

曲逕緣溪曲平沙似掌平波心雙鷺沒雨外一峯
晴官冷閒游數時和夏氣清橋東村北路留待月
中行

雨後偕阿立恒學士水際晚眺

送爽過谿雨生涼弄袖風村閒流水外山媚夕陽
中有象含生意無倪識化工唯君須領畧他日黑

頭公

題汪千波黃山采藥圖 四首

故園已偃手栽松短笠長鏡歸意濃我覓一山渾
未得姤君三十六青峯

泉石烟霞亦復方滌煩除熱得清涼酬醫未要千
株杏認取黃山是藥王

雲海軒皇有舊壇憑拈仙籍問仙官淮山拔盡閒

雞犬底向嵇生惜上丹

時方作書
寄熊敏思

草木無知欲乞靈故人髣髴已星星題詩若寄楊
員外莫道山寒少茯苓

題畫扇 四首

綠烟金穗剪初齊燕撲迴簷水拍隄好是灤陽三
月半亞城東面曲池西

紅旗破賊湘南地碧柳成陰漢上營今日何人起
亭榭舊將軍屬李西平

崖州有淚似龍荒春草年年沒射堂雨露未甦霜
雪榦春風依舊上垂楊

柳下都無舊采存西州誰哭醉過門遺經天付丸
熊手自教公侯復始孫

晚步即事 三首

長隄迤邐繚垣東十番垂楊一面風幾點昏鴉歸
欲盡樓臺半入暮烟中
橋邊細路渾迂曲水外歸人或兩三却指雲低山
缺處一絲眉月挂西南
碧溪新漲浸迴汀隔岸人家戶半扃沙尾夜燈紅
不動水晶簾底看踈螢

佛山

未鑿胚渾見本真凝然趺坐絕情塵聊傳面壁無
言教却現觀河不壞身石欲點頭花散雨鵲方巢
頂月開輪漫云西向明來意留取當中待聖人

前題次阿立恒學士韻

雲可為衣石當屏撐天螺髻草痕青住塵自欲觀
千劫移像還須召六丁妙色現光朝日麗瓣香作
供野花馨他時流布無窮法看取磨崖萬卷經

前題次文震青編修韻

大地網緼久孕靈一峯幻出世尊形維摩共法無
文字彌勒同龕不醉醒心鏡半潭秋水徹蓮花萬
點遠山青石頭沒縫終難劈誰向丹霞說與聽

前題次敦陞升閣學韻

二首

小乘不作五通仙成佛登峯直上巔石畔湧身留

妙相崖端撒手斷諸緣天人久証無還果世界今
當極樂年何限灑江功德水神龍八部舞蹁躑
示身說法水源頭萬派由來會一流覺世底須千
手眼住山何止六春秋從知變幻山形肖為遍高
深佛性留了取色空分別想無勞氣設問浮邱

題畫

四首

松牡丹

寫生底復借胭脂淡墨兼松畫一枝畢竟風神誰
可並傾城垂手問禪時

竹菊

雪中不改青青節霜後仍留粲粲花如此淡交原
耐久都甘冷落謝繁華

蓮

畫蓮真是愛蓮身點筆無多劇有神三十六陂秋
窈好江南愁絕白頭人

桂秋海棠

桂花煬爛海棠妍好景分明到眼前往事日多仍
記得上方僧寺甲申年

立秋日夜坐

簷牙氣爽滅蚊雷刀尺初忙蟋蟀催撲檻暑隨殘

雨去透窓風遞嫩涼來
辭家見月今三度出塞逢
秋第一回明日西岡晴意好
愁看親舍白雲堆

不寐再成一首

螢流高屋影相追
水外踈星拂地垂
吹縐葛衣風漸緊
滴殘蓴夢漏初遲
三秋似月纔生魄
四序如花半在枝
砧韻蛩聲愁幾許
旅人隻髮竄先知

青城懷古

築城絕塞跨岡陵
門啓重關殿百層
宴罷白沉千帳月
獵回紅上六街燈
夜江欲渡金源馬
秋使方徵渤海鷹
劫火東延名勝盡
前塵難問再來僧

晚歸

客中遍著四時衣
晚出臺南未是歸
十里踈烟沉土鏗
一絲斜日冷銅扉
鴉爭禁樹衝人過
雁背邊寒入塞飛
霜雪欲來風力勁
素情敢忘故山薇

雜咏二十二首

貝闕侵鮫室層垣
繚桂宮天孫通樹錦
少女可旗風萬落
層雲外三辰一氣中
東山頻樹羽停轡
向崆峒

寥落風騷後唐賢
接漢韋別裁誰復爾
大雅日應非詰曲
神山夢寧馨夜半衣
先河遺典則終見百

川歸

塊北良常麓清虛帝釋都樓成天上玉燭借日南
珠極浦千重浪窮荒六尺軀驪龍渾不睡弱肉寄
天吳

角宿蒼龍首罡星北斗魁更從箕畢好祇作雨風
媒披繪收竒骨旋車得雋才小生深夢夢長者阿
游回

地腹凝陰火溫磨水氣辛漲消魚挂樹路隘公量
人日占咸池曉天均太皞春屬思無盡火浴室倚
傳薪

晏清東上闥趨複殿前軍入幕床床雨連山淅淅
雲身貧餘健馬家落待微勲稍欲回征轡河湟掃
塞氛

鳳識朝陽晒鴉矜夕照溫尚憐全樹假詎借一枝
尊國士宜前席公孫正杜門營營因熱者終負解
推恩

弱波環絳闌縹緲見龍鷹夢好游應易綠輕住即
難玉支三夕火珠定一生盟珍重春陽曲西風殿
角寒

嶽嶽神霄吏相逢供奉班冠獠終急遽舞鶴亦蕭

閒秋奕非無敵逢弓莫屢關南華三昧在材與不材間

十里浮明鏡平鋪貼地泉嫩涼生水外紅燭在樓前風雨人間夜烟波世外天瓊籤還報曙熱海正開邊

崦函供糗糗河隴莽蕭條早後秦黔首饑餘楚細腰星微頻苦霧日遠自青霄百二關中節何時付管簫

鳥獸方隅識乾坤萬象包從容須抵隙倉卒莫探巢偏帥辭戎落方州慎斗筭十全恢遠略終見繫

長蛟

聞召金山部兼徵綠水豪飽鷹恣遠擊飢虎欲輕操一道全迴遠三軍半鴛鴦陽關風雪滿將率撫綏勞

玉人王仲祖才子魏東阿歌帽雲隨馬書裙字換鷺露荷珠幾許風柳態如何不有山岡栢泔泔對去波

崑崙峯已逼星宿派非賒夜酒參旗過秋河織女斜乾金窮訓故佛寶悟楞伽象德昭殊禮盈車定賜麻

漢貂金史胄對掌射生場滿月圍全合飛翬翼兩
張當頭拗白馬數肋射黃羊西域何狐兔區區欲
跳梁

五鹿克宗客商瞿子木經乾坤資水火山澤孕風
霆不夜盲捫籥無人犬吠扃煌煌周孔轍忠孝是
前型

誅蕩天門豁仙才豈並升蓮紅歸院燭頭白近床
燈成佛無前劫登天有上層驂騮將駕馬同駕固
殊能

遠寄隨羣馬長賒稅屋金愁中支永日衆裏秘歸
心露白連天草秋清徹曉砧啾啾重無那簷外有
羈禽

濕蘚封丹嶂腥涎浣碧潭固應無滬暑稀復見晴
嵐避水虵鳴樹窺樊虎睨驂香泉兼爽塏羣憶甕
山南

日月天中麗光華域外瞻算窮章亥步慶溢秦人
占定志三千禮持盈六五謙皂囊長在御功德埒
義炎

朱艸宜頻種金人莫屢緘世翻癡杜牧俗並罵陳
咸楚雨非孤憤秦吟本至誠瞽矇如備業願實采

風函

雨止後... 本至... 觀... 來

吳承宣書



